

Seminar na temu korupcije, organizovanog kriminala i pranja novca

Vijeće Evrope i Ured Visokog predstavnika su u Banja Luci, 16. i 17. decembra zajednički organizovali Seminar na temu korupcije, organizovanog kriminala i pranja novca. Na Seminaru su se razmatrale postojeće i planirane mjere protiv korupcije, organizovanog kriminala i pranja novca, kao i aktivnosti koje je potrebno prioritetno preduzeti da bi se ojačalo sudstvo i policija u cilju provođenja uspješnijih istražnih radnji i krivičnog gonjenja odgovornih za prevaru, korupciju i organizovani kriminal.

Na Seminaru su učestvovali predstavnici iz oba entiteta: javni tužioci Federacije i Republike Srpske, predsjednici vrhovnih sudova, predstavnici ministarstava unutrašnjih poslova, finansija, pravde, carinskih i poreskih uprava, te predstavnici Vijeća Evrope, OHR-a, CAFAO, UNJSAP, UNIPTF, UNCICP i OSCE-a.

Na Seminaru je iskazana potreba za sveobuhvatnim sistemskim i institucionalnim promjenama koje bi Bosnu i Hercegovinu približile Evropi i povele ka održivom društvenom i ekonomskom razvoju i stabilnim okolnostima za domaće i strane investicije. Učesnici su se složili da će biti neophodno izraditi paket anti-korupcionih zakona, kao što su zakoni o pranju novca, transparentnosti budžeta, te zakoni koji bi ojačali nezavisnost sudstva i efikasnost policije u oba entiteta. Da bi se osigurala primjena evropskih normi, Bosna i Hercegovina mora poštivati Krivično-pravnu i Građansko-pravnu konvenciju o korupciji, Konvenciju o pranju novca, Konvenciju OECD-a o mitu, kao i Konvenciju Vijeća Evrope o pranju,

potrazi, oduzimanju i konfiskovanju sredstava stečenih kriminalnim radnjama.

Učesnici su razgovarali o nizu preventivnih mjera kojima bi se otklonile mogućnosti za prevaru i korupciju. One uključuju zakone o finansiranju političkih stranaka, transparentnosti u procesu donošenja odluka i finansijskim procedurama vlade, kao i depolitiziranu, nezavisnu i odgovornu državnu službu.

Predstavnici domaćih institucija su priznali potrebu za poboljšanjem međuentitetske i regionalne saradnje u borbi protiv organizovanog kriminala, prevare i korupcije, i obavezali su se na tijesnu saradnju sa međunarodnom zajednicom u ovoj borbi.